

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus I. Quænam legis antiquæ, & novæ differentia.

[urn:nbn:de:hbz:466:1-74152](#)

ha dispensat in votis, quorum obligatio est juris tam divini, quam naturalis. Tertio. Lege usitacionis auferuntur & occupantur bona aliena, quod rursus est legi naturali contrarium. Quartto. Jure nature mutuo consensu clandestino contractus matrimonialis perficitur, & tamen hunc contractum jus positivum Tridentini invalidat.

Respond. Neque in ipsis exemplis intervenire aliquam formalem mutationem, aut dispensationem, sed tantum aliquam mutationem materiae vel objecti. Nam quia fidelium voluntates Summo Pontifici tanquam Christi in terris Vicario moraliter sunt subiectae, & subordinatae, potest ille ex gravibus causis illorum consensum moralis-

ter immutare, vel irritare, quo facto lex de indis-
solubilitate matrimonii, de redditione voti, &c.
desinit obligare, & sic pater responso ad 1. & 2.

Ad 3. Resp. Lege usitacionis non occupari alienum, sed acquiri proprium, atque dominum ab uno in alterum transferri, quod omnino ratione & aequitate naturali est congruum, qua dictat, intuitu boni communis a supremo Magistratu vi alti dominii rerum proprietates & dominia alii quando auferri, vel ab uno in alterum transferri posse & debere.

Ad 3. Resp. Clandestini matrimonii valorem jure naturali tantummodo permisum esse, cui juri permissivo humanâ potestate aliquid addi, vel derahli posse extra dubium est.

DISPUTATIO XXXIII.

DE

Lege Divina positiva antiqua & nova

ad q. 98. & seqq.

Legis Divinæ necessitatem S. D. q. 91. a. 4. probat hæc ratione: Hominem elevatum in finem beatitudinis supernaturalis oportebat dirigi in finem illius beatitudinis: hoc autem non præstabat lex naturalis, quæ nec finem naturalis felicitatis transcendit, neque actiones particulares satis determinat: Neque præstabat lex humana, quippe quæ tantum versatur circa actus externos humanæ cognitioni, & judicio subjectos: neque omnia vitia prohibere, aut punire potest. Debuit itaque dari lex Divina, quæ etiam interni actus ad honestatem supernaturalem in particulari dirigerentur, & vitia beatitudini opposita prohiberentur, unde psal. 101. dicitur: *Lex immaculata, testimonium fidele, convertens animas, &c.* Dividitur lex Divina in Veterem & Novam, seu Veteris & Novi Testamenti, de quâ deinceps.

ARTICULUS I.

Quænam legis antiquæ, & novæ differentia?

S U M M A R I A.

1. Quid sit antiquum Testamentum?
2. Quid novum?
3. Omnis causalitas gratia in quocunque statu pertinet ad novum Testamentum.
4. Legis Mosaica & Evangelica præcipua differentia.
5. Alia differentie accidentales.
6. Triplicia præcepta legis antiquæ.
7. Ceremonialia & judicialia erant figurativa.
8. Omnia præcepta moralia legis Veteris aliquo modo continabantur in Decalogo.
9. Quæ ratione moralia pertinuerint ad legem Veterem?
10. Quotuplicia fuerint præcepta ceremonialia?
11. Quotuplicia præcepta judicialia?

S. I.

Differentia antiqui & novi testamenti.

1. Quia lex antiqua etiam appellatur lex antiqui Testamenti, & lex nova novi Testamenti, dividendum in primis, quæ sit utriusque Testamento

notio & distinctio. Igitur Testamentum Divinum, ut docet Illustriss. Reding, q. 15. a. 3. n. 4. significat universum Divinam promissionem & pactum, quo humana communitas sub certis legibus & ritibus aggregatur: idque post eversum primum Testamentum annexum statui Innocentiae, quo promissa fuit posteritati ex Adamo propagandæ justitia originalis, sub conditione observandi Divina manda, præcipue de non comedendo fructu ex ligno Scientia boni & mali, duplex est S. Script. nobis innotescit, Vetus, & Novum. Vetus est promissio de conferendis temporalibus bonis populo Israëlitico, & de Christo ex ipsorum sanguine nascituro, sub conditione præscriptarum & promulgatarum per Moysem legum, ceremonialium, & sacrificiorum, quibus ipse Christus, & gratia per ipsum conferenda significabatur. Hoc vetus Testamentum jam sumpsit initium a temporibus Abrahami; ad ipsum quippe primitus facta fuit promissio, quod ejus posteris tribuenda esset terra Chanaan, & quod in ipsis semine, h. e. Christo ex ejus sanguine

quine nascituro, benedicenda essent omnes gentes. Ipse, quoque primus legem circumcisionis accepit, per quam familia Abramini ab aliis gentibus discriminata jam in unam quandam Ecclesiam consignabatur: perfectionem vero suam vetus Testamentum accepit primum, quando Moyses assumptum volumen legis, quod tunc dici coepit, volumen foderis, legit audiente populo; illisque spondentibus: *Omnia qua locutus est Dominus faciemus, & erimus obedientes.* Ille vero sumptum viaticarum sanguinem respergit in populum: *C*ait: *Hic est sanguis foderis, quod prepigit Dominus vobiscum super cunctis sermonibus his.* Exod. 24.

2. Novi vero Testamenti nominis intelligitur Divina promissio, Christo DEO Homini facta de generis humani reconciliatione, gratia & gloria, tum ex opere operantis, tum ex opere operato hominibus conferenda, sub onerosa conditione mortis & passionis subiecta, velut indicatur 1s. 53. *Si posuerit pro peccato animam suam, videbit semen longavum, &c.* Quod testamentum in morte Christi perfectum, & consummatum, virtualiter post lapsum Adami jam inchoatum fuit, iuxta doctrinam Angel. Doct. 1. 2. q. 106. a. 1. ad 3. dicentis: *Nullus unquam habuit gratiam Spiritus S. nisi per fidem Christi explicitam, vel implicitam, per fidem autem Christi pertinet homo ad Novum Testamentum. Unde quibusunque fuit lex gratia indita, secundum hoc ad Novum Testamentum pertinebant.*
3. Ex quibus cognosces, omnem causalitatem gratiae sive in lege non scripta, sive Mosaica, maxime per sacramentum delerium peccati originalis, pertinere ad novum Testamentum, cui soli annexa est promissio gratiae: camque potissimum esse inter utrumque Testamentum differentiam: quod vetus Testamentum continuerit promissionem temporalium, umbram, & figuram gratiae per Christum conferendam; unde & dicitur Hebr. 7. *Nihil ad perfectum adduxit lex;* Novum vero ipsam exhibeat gratiam & veritatem, iuxta illud Jo. 1. *Gratia & veritas per JESUM Christum facta est.*

4. Ipsa lex Mosaica, non quia a Moysi instituta, sed promulgata, ipso DEO authore & dictante per Angelum, prout dicitur Act. 7. *Accipisti legem in dispositione Angelorum,* dicitur lex veteris Testamenti, lex foderis, immo metonymice patrum, noua quia formaliter erat ipsa Divina promissio, sed quia erat conditio, cui adjuncta erat futurorum bonorum promissio, ut haberet Exod. 19. *Si audieritis vocem meam, & custodieris pactum meum, eritis mihi in pecuniam de cunctis gentibus; mea est enim omnis terra, &c.* Unde & Arca & Tabernaculum, in quo tabula legis affervata, dicta sunt arca & tabernaculum telimonii, vel foderis. Cujus ea quoque est formalis & primaria differentia a lege nova Evangelica, quod sub ea ratione, quia erat propria Veteris Testamenti praesertim in sacrificiis & sacramentis, quibus ille populus in unam Ecclesiam aggregabatur, nulla polleret efficacia causativa gratiae, sed eadem tantummodo figuraret; aut si quan concomitanter conferenda ex opere operantis significaret, illud ipsum non haberet formaliter & ex me-

ritis veteris testimenti, sed concomitantem & in virtute novi testimenti, ad quod pertinet metitia.

Plures accidentales differentias si exposcat, diff. ferunt præterea, quod lex antiqua solis Hebrei data, & per Moysem promulgata; lex nova Christo toti mundo data & promulgata; illa partim bonorum temporalium pollicitatione, partim pœnarum comminatione ad sui observantiam inducebatur, ideoque ab Apostolo padagogus appellatur; lex nova vero trahit amorem & considerationem æternorum bonorum. Illam præceptis tam ceremonialibus, quam judicialibus figurabat Christum ventorum, & gratiam novi testimenti; ista continet ipsam exercitatem veritatem. Unde & Lex antiqua fuit antiqua post passionem Christi: Lex nova vero Evangelica durabit usque ad finem mundi,

§. II.

Quotuplicia præcepta Antiqua Legis?

Triplicia erant præcepta antiqua legis: moralia, ceremonialia, & judicialia, vel ex-primitur Deut. 5. *Loquer tibi omnia mandata mea, & ceremonias, atque judicia.* Moralia sunt præcepta juris naturalis, decalogi comprehensa. Ceremonialia sunt præcepta, quibus populus Israëliticus specialiter dirigebatur ad cultum divinum; cuius materia fuit quadruplex: primò Sacramenta, ut circumcision, agnus paschalis, &c. Secundò Sacrificia, ut holocaustum, sacrificium pro peccato. Tertiò sacra, hoc est, res pertinentes ad sacrificia, & cultum DEI, ut tabernaculum, templum, altare, sacra vas, &c. Quartò peculiares obseruantia, ut erant casta fœla, jejuna, prohibitions quorundam ciborum, &c. Judicialia sunt illa præcepta, quibus populus Israëliticus ordinabatur ad bonum cum economiam, tum politicam gubernationem.

Ex his tam ceremonialia, quam judicialia præcepta erant figurativa: *Omnia quippe in figura contingebant illis.* 1. Cor. 10. cum hac tamen differentia, quod præcepta judicialia magis ex consequenti & accessoria DEI voluntate essent figurativa, cum principalius essent ordinata ad restante gubernationem Reipublicæ; ceremonia vero licet in universalis essent ordinata ad DEI cultum, protestationem interna fidei, evitacionem idolatriæ, &c. in particulari tamen essent ad mysticas significations principalius ordinata: quod enim talem determinatum animal, e.g. hircus, agnus, &c. ad sacrificium deputaretur non erat alia ratio, quam figurativa, & significativa mysteriorum novi testamenti. Numerus istorum præceptorum fuit ings: Guillelmus Parisiensis 613. enumerat apud Suar. Unde non immerito Act. 15. lex antiqua vocatur *Jugum importabile.*

Quæres primò. An omnia præcepta moralia veteris testamenti contenta fuerint intra Decalogue? Respondeo: omnia fuisse contenta vel formaliter, vel virtualiter; virtualiter, vel ut principia in conclusionibus; vel ut conclusiones in principiis. Sic præceptum de dilectione DEI

& proximi, tametsi expressum non esset formaliter in Decalogo, tamen virtualiter in illo continetur, sed quod omnis lex in DEI & proximi charitate funderetur. Unde D. Gregor. hom. 27. in Evang. *Præcepta Divina sunt quidem multa per diversitatem operis, sunt tamen unum in radice charitatis.* Alia vero præcepta moralia magis particularia, ut quæ spectant ad virtutem Religionis, temperantiam, justitiam &c. ideo virtualiter continentur in decalogo, quia sunt tanquam conclusiones in suis principiis & fructus in se-mine.

Quæres secundò. Quomodo præcepta moralia pertineant ad legem Veteris Testamenti, cum potius videantur pertinere ad legem naturam? Respondeo cum Illustriss. Reding loc. cit. n. 8. distinguendum esse in ejusmodi præceptis diversum ordinem. Nam primum per illa hominem ordinatur ad honestum naturale tanquam finem naturæ rationali quæ tali proprium, & sic pertinent ad legem naturalem humanis mentibus à DEO auctore impressam. Secundò potest per illa hominem sub lumine fidei divinitatem revelatae ordinari ad finem supernaturalem ejusmodi præceptorum observantia meritorie consequendū: & sic pertinent ad novam legem gratia. Tertiò per illa ordinabatur populus ad Meliam ventrum, ut nempe observantia ejusmodi præceptorum sub promissione temporalium honorum, majori puritate diligenteretur ad Christum ex se nasciturum: ut enim D. Th. hic q. 98. a. 4. ait, soli Iudeorum populo legem dari debuisse, quod, cum promissiones de Christo Iudeorum Patribus factæ sint, decenter, eum populum, ex quo Christus nasciturus erat, quoddam speciali sanctificatione pollere. Unde etiam Apostolus Rom. 3. docet, illi populo credita fuisse eloqua DEI: & sub hac postrema consideratione præcepta moralia propria sunt veteri testamento.

Quæres quartò. Quotuplicia fuerint præcepta judicialia? Respondeo cum eodem S. D. q. 104. a. 4. juxta quadruplicis ordinis distinctionem judicialia quoque præcepta in quatuor classes posse dispesci. Prima est eorum, quibus constituebatur certus ordo inter Principem, seu Magistratum & populum: secunda, quibus ipsi populares inter se; tertia, quibus populus ad extraneos; & quarta eorum, quibus domestici inter se, maritus & uxor, parentes & filii, dominus & servus ordinabantur. Prima classis continebat mutua officia Principis & subditorum; Altera officia ciuium, vendiciones, emptiones, &c. Tertia officia versus extraneos, ut bella, suscitiones peregrinorum, &c. Quarta domesticam conversationem &c.

ARTICULUS II.

De abrogatione & cessatione legis antiquæ.

SUMMARI A.

1. Lex antiqua abrogata per Christum.
2. Quo sensu dicatur eterna?
3. Non fuit abrogata ante passionem.
4. Sed in ipsa morte Christi.
5. Quo sensu aliqua præcepta antiqua legis dicuntur mortua, vel mortifera?
6. Lex quoad omnia præcepta fuit inegalitaria mortua.
7. Ceremonialia quando coperint esse mortifera?

§. I.

An & quando lex antiqua fuerit abrogata?

CONCLUSIO PRIMA. Lex antiqua fuit abrogata per Christum. Est certa Catholicon contra Iudeos, ex D. Th. q. 103. a. 3. & 104. a. 3.

Probatur primò veteris testamenti autoritate: ubi Jer. 31. DEUS promittit: *Faciam domini*

R. P. Mezg. Theol. Schol. Tom. II.

Israël, & domini Jacob fadus novum non secundum pactum, quod pepigicūm Patribus eorum, in die quæ apprehendi manum eorum, ut educerent eos de terra Egypti. Præterea Ablatio & mutatio sacerdotio legis antiquæ, non potuit illa salva consistere, siquidem præcepta ceremonialia majori ex parte referuntur ad sacrificia & sacerdotium antiquæ legis: sed fuit ablatum sacrificium & sacerdotium veteris legis, ut haberetur apud Daniëlem c. 9.; fuit etiam à Christo mutatum partim per sacrificium cruentum in Cruce, partim per incurvum in ultima cena, ubi Christus se exhibuit Sacerdotem non juxta ritum & institutionem legis Mosaica, sed secundum ordinem Melchisedech, prout de ipso dicitur Ps. 109. *Tu es sacerdos in eternum secundum ordinem Melchisedech.*

Probatur secundò autoritate novi testamenti: præterquam enim quod hanc veritatem rot

P. B.

spisola